

## **Posjeta Bošnjačkom institutu u Sarajevu**

Članovi Novinarske sekcije naše škole posjetili su Bošnjački institut – Fondaciju Adila Zulfikarpašića. Tom prilikom učenici su, vođeni stručnom saradnicom, voditeljicom biblioteke, Narcisom Puljek-Bubrić obišli kompleks Bošnjačkog instituta. Pokazana nam je biblioteka koja raspolaže sa više od 150 000 bibliotečkih jedinica. Posebnu pažnju učenika privukla je zbirka orijentalnih rukopisa pisana na arapskom, perzijskom, turskom i bosanskom jeziku. Prostor cijelog instituta je zapravo galerijski prostor pa smo mogli pogledati umjetnička djela najznačajnijih bosanskohercegovačkih umjetnika, kao što su Ismet Mujezinović, Hakija Kulenović, Rizah Štetić, Mersad Berber, Safet Zec i mnogi drugi.

Posebno mjesto u kompleksu zdanja Bošnjačkog instituta zauzima Gazi Husrev-begov Hamam. Hamam je mjesto događanja brojnih kulturnih sadržaja poput promocija knjiga, književnih večeri, koncerata, izložbi, ali i mjesto za druženje i susrete.